


wiä sie isch

text: padi, steph & ralph musig: mash



sie wär gärn ä chli schöner oder d'frau vom fūrwehrmaa
würd lieber diskutierä, statt immer z'lang astah
sie liest kei romän meh, luegt halt lieber färnseh,
gad nid gärn am sunntig go schpazierä

wenn sie äs model wär, hätt sie's nid so schwär
denn wär's fascht ganz e so, wie's doch sött si
doch mit 2 liggä bei, emne taktgfühl wienä schtei,
wird sie niemals ä cinderella si

**& sie wär gärn so, wie du meinsch, sött sie si
sie chönnt denn sicher si, dass bliibsch
& sie isch, wie sie isch & sie isch gärn so
sie hofft, sie isch so, wie sie sött si
sie hofft, dass isch diä, wo sie sött si**


sie gahd ä chli is fitness aber schoggi hed sie gärn
sie bruucht nid vil zum läbä, ihres auto au kei schtärn
sie redt nid gärn vo sich oder über andri lüüt
sie isch keis rätsel & nid sonderbar

schwär begehrllich, aber wenigstens ehrlich
isch sie gärn dini traumfrau

**& sie wär gärn so, wie du meinsch, sött sie si
sie chönnt denn sicher si, dass bliibsch
& sie isch, wie sie isch & sie isch gärn so
sie hofft, sie isch so, wie sie sött si
sie hofft, dass isch diä, wo sie sött si**

tollä hecht

text: padi musig: mash



är hed schuppä & är schnappt sich grad was är will
risägross isch sini schnorrä, im chopf hed är nid vill
är dreiht sini rundä & är stahd niä still
är macht alli a, das isch alles, won är will

är isch glitschig, är isch schnell & är schwimmt trotzdem immer mit
es gid nüd uf derä wält, wo's nid au bi ihm git
är fischt so gärn im trüebä & är macht alles mit
für all diä schönä frauä, wo's nur i heftli git

**är isch en tollä hecht, är cha alles ha
är taucht gnau denn uf, wenn ich undergah
är isch en tollä hecht & är schwimmt allnä nah
är redt so gärn vo sich, will das isch alles, won är cha**


ihn känned alli hüehner, wienär heisst, wüessed's nid
är bschtellt immer s'gלייחä, doch das ischnä so gliich
är isch jedä tag da innä, doch bemerkä tönds äs nid
& wenn är mal nüm da isch, denn vermissed sie ihn nid

**är isch en tollä hecht, är cha alles ha
är taucht gnau denn uf, wenn ich undergah
är isch en tollä hecht & är schwimmt allnä nah
är redt so gärn vo sich, will das isch alles, won är cha**

& wenn är mal dä hai isch, so ganz elei für sich
de lost är fischerlieder & denn fragt är sich
bisch du de, wo mi inezieähd oder ich dich drus?

schlaflos

text: padi musig: mash



ich gwünnä nüd so frühä am morgä
ich liggä gliich scho vil zlang wach
& ich mach miär keini sorgä
nid nach derä nacht & au nid nach dem krach

geschter hemmer chüssi gschlachtet
hütt schla mer nur no d'nächt um d'ohrä
isch's diär das alles würklich wärt
will ich das will will ich dich will

schlaflos - ligg i da, weiss i nid, wo du bisch
schlaflos - dreih i mi, wart uf di, dänk a di & schlaf debi nid i


ich schlaf nid gärn eleigä
& ohni dich sowieso nid i
chunnsch du hüt znacht nümmä zrugg
will du das willsch & du nümmä willsch

schlaflos - ligg i da, weiss i nid, wo du bisch
schlaflos - dreih i mi, wart uf di, dänk a di & schlaf debi nid i

ich schlaf debi nid i
ich mach keis aug zuä
weiss nid, wo du bisch
weiss nid, was du machsch
weiss nid, wiä's diär gahd

märliland

text: padi & steph musig: mash



ich fangä diär äs morgärot & bind en dicki schleifä drum
söll's en achtä tag gäh für dich, de fahd immer mit diär a
ich gfind für dich äs einhorn & machä jedes märli wahr
ich zeichnä diär äs stärbild & machä trüebi wasser klar

ich lismä üs äs hüusli & das stelli grad a see
denn chloui üs äs riesärad vo det us chömmer alles gseh
für dich kämpfä ich mit riisä & trinkä drachebluät
ich schänkä diär mi schattä & pflückä diär en traum...

**wenn mis härz schlaht, denn schlahts wäg diär
du bisch mis füür, mis schpiegelbild, mis märliland
bi jedem härzschlag dänk ich a dich
chunnt d'nacht & dä tag gahd verbii wirdä ich din ängel si**


ich dreihä diär äs troschtlos i purä frohsinn um
ich bi dis heinzelmändli & dis glücksschwein bini au
für dich mach ich mich zum clown oder zum aff
ich schänk der mis läbä, mis härz & no vil meh

**wenn mis härz schlaht, denn schlahts wäg diär
du bisch mis füür, mis schpiegelbild, mis märliland
bi jedem härzschlag dänk ich a dich
chunnt d'nacht & dä tag gahd verbii wirdä ich din ängel si**

ganz egal was chunnt, ganz egal was gahd
au wenn mis härz einisch bliibt schtah

mi eignig himmel

text: steph musig: mash



wenn ich irgendwann mal shtärbä wett ich gärn en ängel wärdä
ich fangä miär ä weichi wolkä i tuschä d'harfe gäg nä schtromgitarrä ii

mit em jimi gründ i denn ä rockband & spielä mit em otis redding soul
d'marylin tanzt bi üüs im chor & mit em elvis singi rock'n'roll

**ich wünschä miär en eignä himmel
woni alles tuä & machä cha
ich wünschä miär mi eignig himmel
wo numä ich beschtimmä cha**

mit dä janis joplin fahri mercedes, bim james dean gangi liebär z'fuess
gott chunnt no jedä samstig ufnes bier verbii, will är am sunntig wieder
z'chilä muess


mit em muddy waters wetti jamme & mit em marley schpili reggae im duett
amix chunnt d'miss universe verbii denn bliibed miär dä ganz tag im bett

**ich wünschä miär en eignä himmel
woni alles tuä & machä cha
ich wünschä miär mi eignig himmel
wo numä ich beschtimmä cha**

ich elei bestimmä wer uf mini wolkä döff
& machä d'türe zuä - ganz ohni grund
doch wenn denn irgendeinisch pretty woman schtirbt
rat mal, wo sie denn anä chunnt?

vergriffä

text: padi musig: mash
duett mit caroline chevin



du seisch, du heigsch's nid äxtra gmacht
du heigsch doch nur chli wellä umäschpilä
doch det wo's füür hed, isch's au heiss
du chasch doch jetzt nid sägä, dass du das no nid weisch

du seisch, du heigisch nümme dra dänkt
du heigsch äs nur chli wellä luschtig ha
det wo's brännt, det chasch au löscht
du chasch doch jetzt nid ga & mich hiä eläi la stah

ich ha's bis hüt no nid begriffä
du heigsch di nur e chli a miär vergriffä
dass du nid döffsch, das hesch du gwusst
& hesch mi trotzdem immer wiiterküst


du bisch äs biischt, ä femme fatale
es isch miär nüd me anders übrig blibä
so wie im schach, so zug um zug
hesch du mi könig abserviert & alli usweg blockiert

ich ha's bis hüt no nid begriffä
du heigsch di nur e chli a miär vergriffä
dass du nid döffsch, das hesch du gwusst
& hesch mi trotzdem immer wiiterküst

du hesch äs gwusst & du hesch mi küsst
hesch mi berührt cha dich doch nur e chli verfühert
chumm säg, du plöffsch, dass du nid döffsch
das hani gwusst

fang mi

text: padi musig: mash



ich bi nid gärn dä letscht, bi au nid würllich schnell
ich ga gärn so chli druf los & mit em chopf gradus dur wand

ich bi hüt hiä & morn schon wäg, halt's nid lang a eim ort us
ich ha nid stundälang verwiilä, wenn mi nid hesch, denn bin i furt

fang mi, wenn du chasch & la mi nid verbii
gib no chli gas, wer brämst verlüürt
fang mi, wenn du chasch & la mi nümmä los
gib alles, wo du chasch fang mi eifach i


ich bi nid schön oder sexy, legg di uf's chrüz & alli andrä dri
& wenni denn ändlich chumä, bini nid so rächt debii

ich verschprichä vill & haltä nüd, ich weiss scho lang nümm, was schtimmt
me cha nid alles, wo mä will, aber wenn mä will, cha mä vill

fang mi, wenn du chasch & la mi nid verbii
gib no chli gas, wer brämst verlüürt
fang mi, wenn du chasch & la mi nümmä los
gib alles, wo du chasch fang mi eifach i

was immer au chunnt

text: padi musig: mash



ich will mich a dich verlüürä, wett nümmä si ohni dich
wo du hiigasch will au ich hii, det wo du stabbliibsch bin au ich

ich möcht mit diär versinkä, wienä tropfä im see
ich wett a diär chläbä bliibä & la mi eifach triibä

was immer au chunnt
wie's au immer wytergahd
öb arm & alt oder taub & blind
wirsch mi immer bi der ha

ich würd mit diär verschwindä & biege grad, was chrumm isch gsi
ich fahr mit diär i d'sunnä, ganz ohni ziel gradus devo

ich ha mich a diär verbissä, ich bi dis serum, du mis gift
erscht wenn d'wält sich ufhört dreihä, stiiged miär is rettixboot


was immer au chunnt
wie's au immer wytergahd
öb arm & alt oder taub & blind
ich wirdä immer bi der shtah

was immer au chunnt
wie's au immer wytergahd
hesch mich a dinerä siitä
wirsch mi immer bi der ha

ich wär gärn di grossi held
du bisch richtig wichtig, das wo zählt

näbä dier

text: padi musig: mash



mim hirn fählt hütt nur ä chli suurschtoff
s'bluet flüst dick & schwär
ich föhl mi so wienäs riisäwalross
ich bi müed & mi chopf isch läär

dr föhn zerbricht i sini einzelteil
am himmel ziehd jetzt wolkä uf
es blitzt & tued, ich bruuch das jetzt
drumm leggi gummischtiefel a

**näbä diär gahd d'wält gli under
wägä diär stahn ich jetzt da
& mit diär isch's au keis wunder
wenn i nid ga, trifft mi dä schlag**


ich la mich hütt vom blitz la träffä
so richtig fescht mit energie
villicht entladt er sich grad über miär
oder är setzt en schtromstoss frii

du bliibsch stah, gisch eifach nid uf
es nimmt mer jetzt no fascht dä schnuuf
& falls ich das wätter überläbä
denn macht's mi früsch & weckt mi uf

**näbä diär gahd d'wält gli under
wägä diär stahn ich jetzt da
& mit diär isch's au keis wunder
wenn i nid ga, trifft mi dä schlag**

am arsch verbii

text: padi musig: mash



ä nüä trend, ä nüä style, ä nüi titelgschicht
ä nüä star, ä nüä duft, äs nüs titelgsicht
wo immer haltä tued, was d'wärbig üs verschpricht

ä nüi nacht, ä tüüri frau, äs anders hotelbett
ä langi zyt, so ohni das, won ich scho so lang wett
won ich hätt gha, won ich verloorä ha

ä nüä ort, ä nüä job & süsch bliibt alles gliich
& jedä fragt, will's niemer weiss: wenn wirdi ändlich rich?
grad jetzt, wo alles dä bach abgahd

& wird mir mängisch alles zviil, weisch was ich denn sing?

das gahd miär alles am arsch verbii
das cha doch würclich nid ärnscht gmeint sii

ä nüä tag, ä nüä song, ä nüi melodie
ä nüi schtimm, ä nüi schow, ä nüi strategie
& jedes radio schpilt das ding ja sowieso, o wieso


äs nüs produkt, ä nüä hit, wo praktisch jedä wett
än altä huet, ä fuulä gegg, wo jedä hed
au wenn mä nümmä weiss, für was äs guet isch gsi

& wird dir mängisch alles zviil, was sing ich denn?

das gahd miär alles am arsch verbii
das cha doch würclich nid ärnscht gmeint sii

allzyt bereit

text: padi musig: mash



är hed en tischbombschnauz & vilzvil schel im haar
schtahd z'vorderscht aber kämpft det nid würlkli mit

är macht alli frauä schpitz aber ganz diskret mit sinä blick
verzellt vo dä grossä wält won är sälber no niä hed gseh

**är isch allzyt bereit & sini fründä sind das au
är isch dä schlächti traum i dä nacht
är isch allzyt bereit & sini fründä sind das au
immer dä, wemänä gar nid bruucht**


är isch ä grossä philosoph, är lost gärn ihrnä sorgä zuä
nur will är will, dass sie binem bliibt, dass sie will, was är sich wünscht

als kicker sehr beliebt mit chrummä bei & schpitzä schueh
hed är en zahl uf sim rüggä, sini gägner numä s'zwei

**är isch allzyt bereit & sini fründä sind das au
är isch dä schlächti traum i dä nacht
är isch allzyt bereit & sini fründä sind das au
immer dä, wemänä gar nid bruucht**

jetzt & für immer

text: richard marx musig: mash



wenn immer ich müed bi
vo däm krieg i mim chopf & mim härz
machsch du sinn im irrsinn
wenn mi verschtand mich mal wird hindergah

& weiss ich mal mi wäg nümm
bisch äs du wo mi wiiterfühert
jetzt & für immer bin ich für di da

& mängisch denn dänk ich
villicht dänksch du grad jetzt au a mich
ich häbä än ängel,
wo vom himmel zu miär hei isch cho
ich gib diär alles vo miär, alles won i ha
jetzt & für immer bin ich für di da

all mini sorgä flüchtet
& ich weiss genau
dass ich niemä elei wirdä sii
wenn i wüssti, dis härz ghört nur miär ganz elei, ganz elei

bis zu dem tag wo's meer
dä sand nümmä berühert
jetzt & für immer bin ich für di da
jetzt & für immer
ich la di nümm...la ga